

## Transkription von Urkunde HAL 1363a

Ort, Datierung: Halle, 1363-06-24

Signatur: Universitäts- und Landesbibliothek Halle, Yla 11 179r [\[online\]](#)

Inhalt: Johan van Daghevorde: Attest

---

We Johan van daghevorde Johan sporeke mins heren pūtker van luneborch vnde Johan van dem appelle be kennet / openbar an desseme ieghenwardeghe breue de witleken be seghelet is mid vsen Ingheseghele vor al den de on / seen vnde horet lesen . dat we hebbet ghe deghedinghet . twischen hern Jane van odbernshusen dem perner / tho vellersleue vnde sinen brōderen . vnde eres broder sone seghebande . vnde ver Mechtilde de eres bro/der hūsvrowe ghe wesen hadde . deme god gnedech si . also dat desse vor schreue her jan . heft ghe gheuen / vnde gansleken beret mid redeme ghelde desser vorschreuenen vrowen ver Mechtilde vertech lodeghe mark / Bru(n)sw(e)cher wichte vnde witte . vor al ere liftūcht de se hadde van gheuerdes weghe ghe had deme god / gnedech si . vnde se en schal . vnde nement van eres hetes vnde van erer weghe dar mer vp saken / Ok so heft er desse sulue her jan beret seuen lodeghe mark . vor sat vor varende haue vnde vor al dat / dar desse vrowe recht mochte tho hebben . dar tho heft desse sulue her jan gūlden schūlde van sines / broder weghe vnde sines sones de hir vore schreuen steit . sestein lodeghe mark . dit is nū de / sūmme desses gheldes . dat her jan vtte gheuen heft . dre vnde sestech lodeghe mark Bru(n)swecher wichte / vnde witte . Tho ener be thūghinghe alle desser stūkke de hir vore schreuen stan . dat we dat hebben / hūlpen ghe deghedinghet so henghe we alle de hir na ghe schreuen stan witleken vse Ingheseghele / to desseme ieghenwardeghe breue . harneit van Marnholte . henneke Meltzingk nū tho desser tit / voghet tho ghifhorne . Borchert van dem appelle . wasment van Mortze . weret sake dat we vmme / desse deghedinghe ghe vraghet worden . vnde dar tho ghe Esschet worden . so scholde we vnde wolden / der be kennen also hir vore schreuen steit ane iengherleige weder sprake vnde vor toch / Desse bref is ghe schreuen vnde ghe gheuen na goddes bord dritteinhūndert jar jndem dre vnde / sesteghesten iare jn dem hilghen daghe sūnte Johannes Baptisten tho middensomere /